

上海圖書館未刊古籍稿本




傅熹年題

第二十冊



上海圖書館藏



上海圖書館未刊古籍稿本

傅熹年題



第二十冊

第二十冊目錄

金石三編二十四卷 通考六卷(原裝八冊)「三」冊四至冊六

冊四

唐一

.....二

冊五

唐二

.....一八六

冊六

唐三

.....三五四

五代

.....三九六

金石三編
唐一

跋唐殘碑柱國并州都督□公碑武德 年



甲申二月過夏王甫胥門寓樓出示此碑蓋打本祇有上
截十餘字而經剪帖者也就十餘字中亦多曼患復不免
割弃其成句讀者甚少姓名紀年均不可見其首標題諦
視之隱隱見大唐故光祿大夫上柱國并州都督□□□
字跡而已其下序云^上缺參造物望風力而齊轍者謂有功
唐初也云涪陵郡公又云□沂二州刺史又云周贈少保
柱□者皆其上世也云梁泉縣令奉身清□處物□平者
其起家也云^上缺方溢公撫全閩境審候^空格昌期遵卓令之

上海圖書館藏

高軌者謂隨亂而歸唐也云^上司馬加授柱國二年正月

授兼攝陝東道行^下缺者謂武德年也元年十二月加秦王

太尉陝東道大行臺此所授兼攝乃行臺之屬官而行臺

即廢於武德末也云資參乘之勞又云授殿中^下缺又云匪

懈為心又云晉王流眇者皆其累官中朝之事也云殊榮

既總誠盈斯^口者謂其致仕也云^上缺第春秋六十九者謂

其致仕而歿也云^上缺舊前王之令圖以下至官給者皆贈

卹詔文而中不全雖故光祿三及使持節都督并六字餘

仍弗具也云^上缺徒公觀王雄之女也者其配也觀王雄隋

書有傳者也云柱國蠡吾公承基等者其子也云^上缺以虛
薄側奉清塵者撰文人自謂也云軒丘錫宇以下者皆銘
詞而中末俱不全也考此碑金石家未有著錄舊新兩書
列傳諸人又未有適相當者或疑其為昭陵各碑之一然
詳玩文意亦不似陪葬也姑撫其略而說之以俟能博識
者或更得完善打本當有可考矣顧廣圻思適齋卷十六

跋鄜州寶室寺鐘銘

貞觀三年

右鄜州寶室寺鐘銘嚴道甫侍讀拓其文見寄其序曰大唐貞觀三年攝提在歲癸賓御律己巳司辰唐太宗貞觀三年己丑四年庚寅此以攝提屬三年誤也然三年八月己巳朔則己巳當在五月之末是其為貞觀三年無疑但不知何以誤丑為寅耳鄜州本曰上郡武德元年復為鄜州貞觀二年加為都督府此銘正在其時也銘陰款完好字古頗古拙可愛載考昔之著錄金石者就其所錄今文最多若陳思寶刻叢編鐘銘凡八王象之輿地碑目鐘銘

繪齋謄并鄭簠述類彙

凡五皆在此文銘之後若近今諸家竹垞所見止二種郭
允伯所見止一種亦皆在此後獨此銘為從來著錄者所
未及中以廊為廊而曰字作日尚有古意以悠為悠亦足
證洪氏隸續急就之文蓋唐初之蹟存者寡矣可不寶諸
翁方綱復初齋文集卷十九

唐補右軍孝經跋 貞觀二年

前有貞觀勅曰朕閱孝經有關風化王羲之草書尤堪珍玩惜乎
殘缺卿等各補一章勅之琬以詔萬禩貞觀二年六月廿五日
勅自開宗明義章至敬親者右軍書缺膚字自不敢慢於人至如
履薄冰真書補不著某臣名自卿大夫章至以事其先君右軍書
非先王之法服不敢服二服字缺以事其先君下亦缺無補自教
愛至謂之右軍書自悖禮至其儀不忒真書補不著某臣名自紀
孝行章至為下而真書補著臣魏徵自亂則刑至又焉得為孝乎
右軍書自感應章至無思不服真書補著臣虞世南自事君章至

何日忘之真書補著臣褚遂良自喪親章至孝子之事親終矣真
書補著臣薛稷貞觀勅有御書之寶開宗明義章有右將軍會稽
內史印右軍書民字不缺筆唐臣補書民字缺末筆虞世南世字
缺末筆此帖紙墨之舊筆鋒毫鉞之備盡蓋即貞觀祖搨也

成親

王詒晉齋集八

魏文貞書洪範

貞觀三年

魏文貞書洪範無偏無陂至於帝其訓末署貞觀三年
魏徵書此偽也然寶刻類編載唐名臣碑無魏文貞書筆
法罕有確證此冊名印魏徵二字不成篆法說文魏從委
崑聲俗省山非是華山亭碑魏嘗威楊君石門頌魏整楊
著碑陰魏郡安定王造象記皇魏魯峻碑陰作魏宋張有
不肯書魏字篆法所無也至無偏無陂遵王之義則又大
謬新唐書藝文志開元十年四年元宗詔曰每讀尚書洪
範至無偏無頗遵王之誼三復斯文並皆協韻唯頗一字

簡範謄并鄭襄述類案

實則不偏倫又周易泰卦中無平不陂釋文陂字亦有頗
音陂之與頗訓詁無別為陂則文亦會意為頗則聲不成
文兼諸儒僉以為然終非獨斷宜改頗為陂乃宣示國學
此詔及匡謬正俗遵王之義皆作誼蔡邕石經及尚書舊
本皆作頗是唐元宗始作無偏無陂魏文貞豈預知開元
之詔而改陂乎岳珂沿革例云開元所書五經往往以俗
字易舊文如以頗為陂以平為便之類鄒季友書傳音釋
頗陂皆從皮古字多通用只須改音不必改字惠氏定字
言頗正與誼協古義字皆作誼言之尤確

庾肩吾書品分
九等姜誦梁宣

魏徵文成等二十人品在下之上此魏徵與鄭公同姓名
 乃魏晉間人在晉元帝前困學紀聞原注宣和六年詔
 洪範復從舊文以陂為朱緒曾開有益齋讀書志未
 頗然監本未嘗復舊

摘錄於鄭襄述類

唐獻陵造像碑跋

貞觀十三年正月

碑為守陵中郎將齊士員立額題太武皇帝穆皇后
供養石像之碑文字完好先序後銘銘後書右監門
中郎將右勳衛郎將監校^檢左右領府郎將長樂宮大
監定州刺史上柱國延陵縣開國子齊士員備載曾
祖父妻息官諱又曰開皇之歲宿衛宮闈則士員舊
事隋氏者也義旗之始授正議大夫左一軍領又云
大武皇帝升遐奉勅於獻陵供奉生死不離云云後
題貞觀十三年歲次己亥正月乙巳朔一日又有王

保府折衝都尉趙伽等及三原縣令檢校陵署令崔
醫王并二陵宿衛人呂村任村等宿老姓名攷唐會
要載貞觀十三年正月一日太宗朝于獻陵禮畢入
寢宮閱視先朝服御之物悲動左右冊府元龜卷八
十貞觀十三年正月乙巳誤作帝朝于獻陵宿衛令
邑中郎將齊士員及三原令已下各賜爵一級是立
碑之已亥正月朔正太宗朝陵之日文不及朝陵事
或先已刊成耳趙伽等無考惟三原令崔醫王當時
亦賜爵一級者非此碑則不能舉其姓氏矣冊府